

SAK 07/19 TILTAK FOR Å BETRE KOMMUNIKASJON OG INFORMASJON TIL KOMMUNANE

Saksopplysning

Det har ved fleire høve vore drøfta tiltak for å betre kommunikasjon og informasjon mellom regionrådet og kommunane.

I sak 52/18, Eventuelt var dette tema

Samhandling mellom kommuneadministrasjonane og Regionrådet

Det er viktig at tiltak, planar og prosjekt som involvera kommuneadministrasjonane må informerast om og forankrast på ein best mogeleg måte. Rådmannsutvalet og dagleg leiar drøftar dette nærmare for å koma fram til gode rutinar/løysingar.

18.1.2019 var det møte mellom rådmannsutvalet og dagleg leiar der samhandling mellom kommuneadministrasjonane og regionrådet vart drøfta.

Det er viktig at tiltak, planar og prosjekt som involvera kommuneadministrasjonane må informerast om og forankrast på ein best mogeleg måte. Rådmannsutvalet og dagleg leiar drøftar dette nærmare for å koma fram til gode rutinar/løysingar. Følgjande punkt vart drøfta:

- Sterkare involvering i høve til prosess Strategisk plan og arbeid med handlingsprogram
- Månadsbrev frå regionrådet
- Korte videosnuttar om kva regionrådet driv med
- Laga ein struktur under Regionrådet si side for informasjon
- Betre deling regionråd – rådmannsutval
- Dagleg leiar regionrådet møter i enkelte møter i rådmannsutvalet etter ein nærmare plan

10.1.2019 orientert Regionrådet for Hallingdal ved rådsordførar Oddvar Grøthe og dagleg leiar Knut Arne Gurigard, kontrollutvala i Hallingdal om regionrådet og arbeidet i regionrådet (vedlagt presentasjon).

Tema var m.a.:

- Intensjon
- Historikk
- Organisering
- Vedtekter
- Strategisk plan for Hallingdal
- Samarbeidspartar
- Regionrådet for Hallingdal, arbeidsoppgåver, drift
- Kva er Regionrådet sine arbeidsoppgåver
- Utvikling Hallingdal, utfordringa og mogelegheiter
- Korleis arbeidar Regionrådet
- Økonomistyring, rekneskapsførings- og rapportering
- Prosjektstyring og rapportering
- Konkret arbeid 2018/2019

Fellesmøtet uttrykte seg positive til Regionrådets arbeid etter presentasjonen fra Gurigard, som ble ansett å være verdifull informasjon og ga et godt bilde av Regionrådet.

Fellesmøtet drøftet dagens orientering og informasjon om Regionrådet ift en eventuell forvaltningsrevisjon og problemstillinger.

Bl.a. følgende fremkom under drøftingen:

- Områder med forbedrings-potensiale anses å være bl.a. informasjon, kommunikasjon og rapporteringsrutiner.

- Det ble gitt uttrykk for frustrasjon ift for lite informasjon/rapportering til politikerne i kommunestyremøtene.
- Hvordan finne gode måter å informere politikerne? Et alternativ er å legge innkallinger og referater inn i 360, noe som vil lette tilgjengeligheten for politikerne.
- Viktig med å bevisstgjøre ordførere og rådmenn om å informere videre til politikerne.

Vurdering


Dagleg leiar oppfattar problemstillingane som følgjer:

- Behov for betre informasjon til politikarane før saker blir handsama og betre informasjon i høve til regionrådet sitt arbeid.
- Behov for betre involvering og informasjon til administrasjon i kommunane

Regionrådet for Hallingdal er avhengig av tillit i forhold til kommunane, for at samarbeidet skal fungere best mogeleg og etter intensjonane. I denne samanheng er involvering, informasjon og kommunikasjon avgjerande. Regionrådet for Hallingdal har heilt klart eit forbettingspotensiale og i denne omgang er det sett på aktuelle tiltak som kan gjennomførast innan rimeleg tid, utan større kostnadar.

Regionrådet - kommunestyra

Regionrådet arbeidar på ulike måtar (illustrert med skisse under), der det i enkelte tilfelle ikkje er føremålstenleg eller umogeleg å informere om arbeid i framkant. Når det gjeld konkrete saker som skal sakshandsamast og det skal gjerast vedtak, bør det utarbeidast rutinar som gjer at kommunestyremedlemmer lett kan få innsyn i sakliste og saker samstundes med Regionrådet. Den enklaste måten å gjera dette på og som ikkje har nokon kostnad eller meirarbeid, er å sende sakliste og saker (lenke til heimeside) som gruppessending til dei einskilde kommunestyra.



Når det gjeld jamleg informasjon ligg det sjølvsagt og eit ansvar hjå ordførarane. Her bør det kanskje vera innarbeida rutinar som er nokolunde like for dei einskilde kommunane.

Informasjonsbrev kvar månad eller annan kvar månad frå regionrådet vil kunne vera eit positivt bidrag. Her vil også bruk av heimesida vera ein nyttig kanal.

I møte med kontrollutvala vart det også lufta tanken om årleg informasjon til kommunestyra i samband med at årsmeldinga til Regionrådet er til orientering. Dette vart vurdert som eit konkret og aktuelt tiltak.

Årsmeldinga er også eit dokument som i sterkare grad kan nyttas som informasjonskanal.

Regionrådet - administrasjon i kommunane

I forhold til administrasjon i kommunane er det heilt klart eit potensiale for betre involvering, ikkje minst i forhold til planarbeid. Når det gjeld næringssamarbeid tok Regionrådet for Hallingdal initiativet for å etablere Forum for næringssamarbeid. Dette er eit samarbeid mellom aktørar som m.a. arbeidar med næringsutvikling og som har jamlege møter. Her deltek næringsmedarbeidarane i kommunane.

Som konkrete tiltak:

- Sterkare involvering i høve til prosess Strategisk plan og arbeid med handlingsprogram
- Informasjonsbrev kvar månad eller annan kvar månad frå regionrådet
- Korte videosnuttar om kva regionrådet driv med (vurderast nærara)
- Laga ein struktur under Regionrådet si side for informasjon
- Betre deling regionråd – rådmannsutval
- Dagleg leiar regionrådet møter i enkelte møter i rådmannsutvalet etter ein nærmare plan
- Når det gjeld jamleg informasjon ligg det også eit ansvar hjå rådmennene. Her bør det kanskje vera innarbeida rutinar som er nokolunde like for dei einskilde kommunane.

Forslag til vedtak

For å betre kommunikasjon og informasjon mellom regionrådet og kommunane bli følgjande tiltak .

1. Regionrådet for Hallingdal sender sakliste og saker (lenke på heimeside) som gruppeseending til dei einskilde kommunestyra i Hallingdal, samstundes som det blir sendt til regionrådet.
2. Det blir innarbeida rutinar for utsending av informasjonsbrev om regionrådet sitt arbeid, til kommunane annan kvar månad.
3. Det blir laga ein struktur under Regionrådet si heimeside for informasjon.
4. Det blir lagt til rette for årleg informasjon til dei einskilde kommunestyra, om regionrådet sitt arbeid, i samband med at årsmeldinga til Regionrådet er til orientering.
5. Årsmeldinga til regionrådet skal i sterkare grad nyttast til informasjon.
6. Det blir utarbeida rutinar for jamleg informasjon frå ordførarane til formannskap/kommunestyre om regionrådet sitt arbeid.
7. Det blir utarbeida rutinar for jamleg informasjon frå rådmennene til sine leiargrupper om arbeidet i rådmannsutvalet og regionrådet.
8. Det skal etablerast rutinar for sterke involvering i høve til prosess Strategisk plan og arbeid med handlingsprogram, i forhold til administrasjonen i kommunane.
9. Dagleg leiar i regionrådet møter i enkelte møter i rådmannsutvalet etter ein nærmare plan.

Ål 22.1.2019

Knut Arne Gurigard
Dagleg leiar

Vedlegg:
Presentasjon kontrollutvala i Hallingdal 10.1.2019